

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XXXV1 No. 3
Pebrero 7, 2005
www.philippinerevolution.org

Editorial

Paslawon ang mapintas nga hanot sang rehimeng US-Arroyo

Determinado nga ginabatuan sang mga oganisasyong masa, mga pwersa pangpulitika kag pati sang sektor sang simbahan ang plano sang rehimeng Arroyo nga pataason halin 10% pakadto 12% ang ginasukot nga Value Added Tax (VAT) kag igapatong man ini sa mga produktong petrolyo, kuryente kag serbisyo medikal kag legal. Determinado man nga ginapamatukan nila ang liwat nga pagbukas sang dunang manggad sang pungsod sa pagpamuyong sang mga dumuluong nga korporasyon sa pagmina paagi sa pinal nga pag-aprubar sa Mining Act of 1995. Tuman ang kaakig sang pumuluyo sa duha nga labing ulihi nga polisiya nga lubos maki-dumuluong kag kontra-pumuluyo nga ginaduso sang gubernong Arroyo sa desperasyon sini nga palutawon ang garuk nga nagaharing sistemang malakolonyal kag malapyudal.

Nagapabungul-bungol ang rehimeng US-Arroyo sa malapad nga reklamo batuk sa pagpataas sang VAT. Wala ini sing balatyagon kon sa pagtaas sang VAT magapatimbuok sa langit ang presyo sang mga bala-ligyaon kag lagabong sa duta ang pangabuhian sang pumuluyo. Wala

si Arroyo sang pakitang-tawo nga pagkabalaka sa pumuluyo. Samtang determinado sini nga ginaduso ang pagpataas sang VAT, determinado man sini ginabalabagan ang mga tikang para sa pagpataas sang sweldo sang mga mamumugon.

Mas malaut pa sa pagpataas sang VAT, todo-larga subong ang rehimeng US-Arroyo sa pagbungkag sang mga prontra sang pungsodnon nga patrimonya sang Pilipinas kag paghatag sang lubos nga kahilwayan sa mga dumuluong nga monopolyong kapitalista nga hugakumon ang duna nga mineral nga manggad sang pungsod.



Ginahayag ni Arroyo kag sang iya mga upisyal nga sila wala liwan kundi mga administrador sang neokolonyal nga estado nga ang lealtad yara sa mga dumuluong nga negosyo. Wala nila ginatago ang ila labaw nga kalipay sa plano sang mga dumuluong nga kapitalista nga agawon kag himuslan ang nabilin nga manggad sang Pilipinas. Wala balatyagon ang rehimeng Arroyo bisan pa ang dala sang mga dumuluong nga monopolyong kapitalista sa pagmina ang wala kapares nga pagguba sang mga bukid, suba kag dutang agrikultural, pagpanghalit

***Mga tampok sa
isyu nga ini...***

**Dalagkuan nga
pagmina**

PAHINA 4

**General Corpus:
Daku nga manugloko**

PAHINA 6

**Pagtingub sg mga
higante nga
kumpanya**

PAHINA 9

sa kabuhi sang masang anakbalhas kag labing pagkaatrasado sang lokal nga ekonomya.

Ginatanyag sang rehimeng US-Arroyo ang tanan nga insentibo sa mga dumuluong nga kapitalista, lakip na ang kahilwayan halin sa buhis kag kahilwayan nga iuli ang sobra nga ganansya. Indi man sila igapai-dalum sa mga inspeksyon kaangot sa pagsunod sa mga talaksan sa pagamlig sa kapalibutan. Ang mga ini kag madamu nga iban pa lunsay ginagarantiya sa ila sang Mining Act of 1995 nga pinal gin-aprubahan sang Korte Suprema sining Pebrero.

Pilit ginapagguwa sang rehimeng US-Arroyo nga ang dalagkuan nga pagsulod sang mga dumuluong nga kapitalista sa pagmina magadul-ong sang pagsulong sang ekonomya. Nagabulag-bulagan ini sa kamatuoran nga sa nagligad nga 60 tuig, ang polisiya nga ini nagresulta lamang sa malaparan nga disempleyo, pagkawasak sang mga pwersa sa produksyon, pagkaubos sang kapital kag permanente nga krisis.

Kinahanglanon na gid ang todo-todo nga maghulag ang pumuluyong Pilipino agud pungan ang rehimeng US-Arroyo sa pagpatuman sang dugang nga VAT kag ang wala untat nga

pag-engganyo sa mga dumuluong nga kapitalista nga mamuhunan sa pagmina. Dapat himuon ang tanan nga posibleng pamaagi agud paslawon ang maitom nga plano nga ini. Sa sini lamang mapungan sang pumuluyo ang labing pagtibusok sang ila pangabuhian kag ang dugang nga pagpamigos kag pagpaantos sa ila.

Nagapalapad ang kubay sang pumuluyo nga nagapahayag sang pagpamatuk sa dugang nga VAT. Kinahanglan nga determinado nga palig-unon ang paghiliusa sang mga pwersa nga ini, padalumon ang maki-pumuluyo kag anti-imperyalistang basehan sang ila panindugan sa dugang nga VAT, kag isentro ang ila nagahiliusang kusog sa paglunsar sang nagkalain-lain nga porma sang pagpamatuk kag mga protesta sa mga pabrika, eskwelahan, upisina kag mga karsada.

Ang pagpamilit ni Gloria Arroyo nga ipatuman ang pagpataas sang VAT nagadabuk sang malapran nga kaakig sa rehimen. Ang iya pagbale-wala sa reklamo sang pumuluyo kag pagsabwag sang mga kabutigan nga "pumuluyo ang makabene-pisyo sa pagpataas sang VAT" nagagatong sa kalayo sang protesta.

Malapad man ang kubay sang

pumuluyo nga nagapamatuk sa pagpatuman sang Mining Act of 1995. Kinahanglan sila nga tipunon agud iduso ang pagbasura sini kag pungan ang pagsulod sang mga dumuluong nga kapitalista kag pagpamuyong sang mga ini sa mineral nga manggad sang Pilipinas. Pungsodnon nga gera ang sabat sang pumuluyong Pilipino agud ipakigbato kag pangapinan ang kahilwayan sa ekonomya kag ang pungsodnon nga patrimonya sang Pilipinas.

Sa partikular, kinahanglan gamiton sang mga komite kag upisyal sang mga organo sang rebolusyonaryong gahum pangpulitika sa nagkalahin-lain nga lebel sa bug-os nga pungsod ang ila awtoridad agud ipatuman ang mga partikular nga polisiya sa reporma sa duta, mga layi nga nagapangapin sa kinamatarung sa duta sang mga mangunguma kag minoryang pumuluyo kag batuk sa pagpanghalit sa kapalibutan. Ang mga yunit sang Bag-ong Hangaway sang Banwa may katungdanan nga siguruhon nga ginapatuman ang mga layi kag pagsulundan nga ini.

Ang mga paghulag kag pagbatu sang pumuluyong Pilipino batuk sa pagtaas sang VAT kag pagsulod sang mga dumuluong nga kapitalista sa pagmina lunsay nakaangot kag nagaalagad sa paghimakas sang pumuluyo batuk sa rehimeng US-Arroyo. Sa kamatuoran, naga-tampok sa pagbatu nga ini ang hugot nga kakinahanglanon nga tapuson ang papet, kontra-pumuluyo, garuk kag mapiguson nga gubyrno ni Gloria Macapagal-Arroyo.

Sa pagpasulong sang mga paghimakas nga ini, responsibilidad sang mga rebolusyonaryong pwersa nga pataason ang kamuklatan sang pumuluyo agud ipakita ang kakinahanglanon para sa bag-ong demokratikong rebolusyon para tapuson ang neokolonyal nga estado kag ang malakolonyal nga sistemang pangkatilingban paagi sa malawigang nga inaway banwa. **AB**



Tuig XXXVI No. 3 Pebrero 7, 2005

Ang Ang Bayan ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.org

Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editoryal	1
Pagtaas sang VAT, ginapakamalaut	3
Dalagkuan nga pagmina	4
Pagmina sa CL	5
Corpus: Daku nga manugloko	6
Pag-amlig sa kapalibutan sa Panay	8
Higante nga pagtingub	9
Maoismo sa China, indi matapna	11
Pagdumdum sa Auschwitz	12
Eleksyon sa Iraq	12
Balita	13

Ang Ang Bayan ginabantala duha ka beses kada bulan sang Komite Sentral sang Partido Komunista sang Pilipinas

Pagpataas sang VAT, gin-ulan sang pagpakamalaut

Indi makalaamo ang rehimeng Arroyo sa pagdependa sa hayag nga kontra-pumuluyo nga padi-hot sini nga pagpataas sa value-added tax ukon VAT halin sa 10% padulong sa 12%. Ini matapos madasigan nga ipasar sang mga reaksyunaryong representante sa kongreso ang hagna sa pihak sang mabaskog kag malaparan nga pagpamatuk sang pumuluyo.

Pang-apat ini sa mga layi kaa-ngot sa pagbuhis nga ginpasar na sa kongreso sa sulod lang sang duha ka bulan. Ang mga ini ginapabugal nga magadugang sa "kaban sang banwa" nga solo pagabenepisyuhan sang rehimen kag mga tinawo sini.

Ang VAT isa ka sistema sang pagbuhis nga una ginpatuman sang rehimen Aquino sadto pang 1988. Ginbaylo ini sa "general sales tax" bangud kuno sa pagkainutil sini sa pagpangalap sang buhis kag korapsyon sa Bureau of Internal Revenue. Ang matuod, ginapataw ang VAT bilang pagsunod sa kundisyon sang bag-o nga pautang sang International Monetary Fund (IMF) kag World Bank. Tanan sang mga sumunod nga amyenda sa layi dikta gihapon sang IMF kag World Bank.

Ginaoobligar magbayad sang VAT ang sin-o man nagabaligya, nagapahinakay, nagaangkat ukon nagahatag sang pila ka pili nga serbisyo. Amo man, isa ini nga "indi direktang buhis" nga mahimo ipasa sa nagabakal, nagapahinakay ukon kliyente kag lain sa "sales tax" nga pangunahon ginaaba sang nagabaligya.

Ginpalapad ini sadtong 1996 agud sakupon ang iban pa nga serbisyo. Sadtong Agosto 2004, nagpagguwa ang IMF sang listahan

sang mga tikang agud siguruhon makabayad sang utang ang Pilipinas. Indi katingalahan nga upod sini ang pagpataas sang VAT sang 20-40%.

Masami indi mamutikan, gin-sakup sang VAT ang tanan nga basehang produkto nga pagkaon (*fresh produce*), kag madamu-damo nga serbisyo. Ginpataw ang ginatawag nga "input VAT" sa kada proseso kag tikang sa paghimo sang produkto. Ang kabilugan nga "input VAT" nga napasulod na sa presyo ginapatungan pa sang nadugang nga 10% nga "output VAT" kada magbakal sang produkto ukon nagabayad sang serbisyo ang konsumidor. Salamat kay Arroyo, mangin 12% na ini sa palaabuton.

Nagalaway ang rehimen Arroyo sa ginalauman nga P35 bilyon nga makuha halin sa mas mataas nga VAT. Kon kuhaon pati ang eksemption sa hilaw nga produktong pagkaon, madugangan pa sang P28 bilyon ang "kaban sang banwa". Dugang ini sa ginalauman P15 bilyon nga matipon halin sa dugang pagpataas sang buhis sa alak kag sigarilyo kag P10 bilyon halin sa Lateral Attrition Law.

Upod sang rehimen sa pagkali-pay ang mga imperyalistang amo sini sa IMF kag World Bank. Suno sa ila, masiguro na subong ang nagapadayon nga pagbyad sa dumuluong nga utang sang pungsod. Basi may mapati pa gihapon sa deklarasyon nakatakas na ang pungsod sa krisis sa pinansya. Mabuhinan na kuno ang depisit sa badyet. Gamay nga magatahum ang tindog sang pungsod sa mga internasyunal nga bangko kag institusyon pangpinansya. Basi kon pautangon liwat sang nasambit nga mga bangko ang bangkrap kag ko-



rap nga rehimeng Arroyo. Indi kinahanglan mangin mainalamon agud makita kon diin padulong ang padron nga ini.

Indi matulon sang pumuluyo ang mga pagpang-into sang rehimen. Dapat kuno magpasalamat ang pumuluyo sa pagtinuha sang kongreso nga librehon sa pagpataas sang presyo ang mga ginasiling "pagkaon pang-imol" pareho sang *instant noodles*, sardinas, uga, patis, toyo, ginamos kag delata. Kag bisan magtaas pa ang mga ini, suno naman sa kabinete ni Arroyo, senintimos lang kuno ang igataas sang mga presyo.

Pero suno sa inisyal nga pagtanta sang mga progresibong kongresista, madugangan sang P256 kada bulan ang gastuhon sang isa ka pamilya bunga sang pagtaas sang VAT. Ini sa kahimtangan nga kulang na gid sa isa ka pamilya sa Metro Manila ang adlawan nga sweldo nga P300. Wala pa gani ang dugang nga VAT, P590 na ukon dugang nga P290 ang kinahanglan sang isa ka anum-katawong pamilya kada adlaw agud mabuhing disente. Magamay na gani nga ikumparar diri ang ginahingyo nga P125 dugang sa adlawan nga sweldo kag P3,000 *across-the-board* nga pagtaas sa sweldo sang mga empleyado sang guberno. Sa pihak sini, padayon gihapon nagabalibad ang rehimen nga magpatuman sang matarung nga pagpasaka sang suhol kag sweldo.

Dalagkuan nga pagmina: Paglapak sa pungsodnon nga soberanya kag patrimonya

Wala duda nga pagawaskon sang mga higanteng kumpanya sang minahan ang kabukiran kag nabilin pa nga kagulangan sang pungsod agud hugakumon ang dunang manggad sini sa pinakabarakto kag sa labing madasig nga paagi. Direktahan nga ginatanyag sang rehimen ang Gloria Arroyo ang pungsodnon nga patrimonya sang Pilipinas sa altar sang mga dumuluong nga kapitalista para sa kabulusan sang mga ini sa mineral nga manggad sang pungsod. Paagi sa Korte Suprema sining Pebrero, pinal nga ginbasura sang rehimen ang petisyon sang mga pungsodnon nga minorya, mangunguma kag iban pa nga pumuluho sa Mining Act of 1995. Indi ini katingalahan, ilabi na ang pangunahong isponsor sini sa Senado sadtong 1995 wala sang iban kundi ang sadto senador nga si Gloria Arroyo.


Suno sa Kalipunan ng mga Katutubong Mamamayan ng Pilipinas (KAMP), maabot sa halos 75% sang kadutaan sang Pilipinas ang ginakap sang mga aplikasyon para sa FTAA nga napasaka subong sa Department of Environment and Natural Resources. Ang FTAA amo ang isa ka kasugtanan sa tunga sang guberno sang Pilipinas kag kumpanya sang mina nga nagapahanugot sa kumpanya nga magmina sang maksimum nga 81,000 ektaryang kadutaan sa sulod sang 75 anyos. Sa subong, duha pa lang ang may aprubado nga FTAA-ang Climax-Arimco Mining Corporation nga nagamina na sa Dipidlo, Nueva Vizcaya kag ang Sagittarius Mines, Inc. nga may operasyon sa Sultan Kudarat, North kag South Cotabato kag Davao del Sur.

Sang wala pa maaprubahan ang ligalidad sang Mining Act, naghatag ang DENR sang mga Exploration Permit (EP) sa 16 kumpanya nga sakup ang 55,360 ektarya. Ginpalusot man anay sang 190 kumpanya sang mina ang ila mga operasyon sa mga Mineral Production Sharing Agreement (MPSA) nga nagsakup sa halos 315,000 ektarya sa nagkalain-lain nga bahin sang pungsod.

Ang pagsulod sang mga dumuluong nga kumpanya sa pagmina sa

pungsod ang isa sa pinakadaku nga peligro sa kabuhi kag pangabuhian sang madamu nga komunidad sang mga mangunguma kag pungsodnon nga minorya. Labi sini nga ginapadasig ang monopolisasyon sang duta sa kamot sang mga dumuluong kag ginalapakan ang kinamatarung sang mga mangunguma kag pungsodnon nga minorya sa ila mga ulumhan kag duta sang ila katigulangan. Kagon sa diin ang mga dumuluong nga kumpanya, didto man ang re-

aksyunaryong militar nga nagaakto mga mersenaryong pwersa pangseguridad sang mga ini. Permi magkatuwang ang pagmina, malaparan nga militarisasyon kag mga programa kontra-rebolusyonaryo. Indi makaarapal ang rehimen sa pagkwenta sang ginasaligan nga pagdagsa sang dumuluong nga kapital sa lokal nga



Pila sa pinakamalaut nga probisyon sang Mining Act:

1) pagpahanugot sang 100% nga pagpanag-iya sang mga dumuluong sa lokal nga kumpanya; 2) paggarantiya sang 100% *repatriation* ukon pag-uli indi lang sang kita kundi pati sang kapital kag kagamitan; 3) garantiya batok sa kumpiskasyon sang estado; 4) kahilwayan sa pagbuhis kag pagpanubo sang taripa; 5) mahimo ibuhin sa netong kita ang ano man nga pagkalugi; 6) pat-uron sang guberno nga wala sang magasablag sa mga operasyon sang mina, lakip ang mga komunidad kag ulumhan; 7) mahimo gamiton sang mga kumpanya ang iban pa nga dunang manggad sa lugar nga sakup sang ila operasyon, pareho sang mga natural nga *watershed* kag kahoy; kag 8) mahimo direktang ibaligya sang mga kumpanya ang mga namina nga bulawan sa guwa sang pungsod, libre sa mga regulasyon sang Bangko Sentral sang Pilipinas.

AB

industriya sang pagmina. Magadugang kuno ini sang P57 bilyon sa buhis pa lang, samtang ginatantya maabot sa \$6 bilyon (P330 bilyon) ang kapital nga mag-asulod sa pungsod. Wala sini ginasambit nga sa pagkamatuod mumho lamang ang mabilin sa Pilipinas bangud pat-ud nga igabalik sang mga dumuluong nga kumpanya sa tagsa nila ka pungsod ang ila mga kita. Bisan ang ginapabugal nga kita sa buhis sensilyo lang ilabi na igo libre sa mahaba nga panahon sa nagakalain-lain nga buhis ang mga kumpanya sa pagmina.

Gusto ni Arroyo nga tunlon sang pumuluyong Pilipino ang pagdagsa sang mga dumuluong nga

kumpanya sang minahan. Bilang pangsuhol, nangako ini nga magatuga sang dugang nga 200,000 bag-ong trabaho sa mga minahan. Ang wala sini ginasambit, minilyun-milyon nga pumuluyo ang madulaan sang pangabuhian bangud sa pwersahan nga pagpapahalin sa bug-os nga mga komunidad kag pagkaguba sang ila pangabuhian, mga dutang agrikultural, mga suba kag kagulangan. Kumparar sa patuhawon sini nga empleyo, pila ka pilo nga mas daku ang kahalitan nga igabunga sang pagmina sa kabuhian sang pumuluyo sa mga kainogod nga lugar. Luwas sini, kadamang sang mga mamumugon sa mga pagmina mga kontraktwal kag

kaswal. Ang sektor sang pagmina gihapon ang may pinakamataas nga numero sang mga pulu-panahon nga mamumugon, guwa sa sektor sang agrikultura. Tuman kanubo ang pasweldo, wala sang mga kinamatarung pangmamumugon kag tuman kabudlay kag makamalatay ang mga kundisyon sa pagtrabaho sa sulod sang mga minahan. Sa atubang sini, daku katama nga hangkat sa pumuluyo kag rebolusyonaryong hublag ang pagpugong sa lubos nga pagpatuman sa Mining Act. Nakataya diri indi lamang ang interes kag pangabuhian sang pumuluyo subong kundi pati sang mga masunod nga henerasyon sang mga Pilipino. AB

Pagmina sa Central Luzon

Ang aksidente nga nagbunal sa Aurora kag Nueva Ecija sadtong Disyembre 2004 resulta sang madugay nga panahon nga pagpamuyong sang mga imperyalista kag sang lokal nga idu-idu sini sa kagulangan kag kabukiran sang Central Luzon. Pero indi lang ang mga lugar nga ini ang ginsamad kag padayon nga ginasamad sang ila kadalukon. Dugang sa pagpanablon, may mga bahin sa Central Luzon nga ginhugakum kag ginaguba na sang mga dumuluong kag lokal nga kumpanya sa pagmina kag sang mga makahililo nga planta sang kuryente.

Sa kamatuoran, ang paglapnag sang komersyal nga pagmina ang labing makahalalit sa kabukiran kag iban pa nga duna nga manggad sa rehiyon. Suno sa isa ka report sang United Nations Education, Scientific and Cultural Organization (Unesco), 15 sa 17 nga labing peligroso nga kabukiran sa Pilipinas ang makit-an sa Central Luzon. Ang pagtiphag sang mga bukid agud hatagan dalan ang mga mina ang

nagapatay sa madamu nga kagulangan kag nagahalit sa balanse sang naturalisa diri. Nagatuga ini sang malala nga polusyon nga nagasamad sa mas malapad nga erya kag nagadala sang nanari-saring balatian sa pumuluyo nga nagaestar sa palibot sini. Ang wala pili nga pagtinambak sang *mine tailings* ukon higko halin sa mga pagmina ang nagapatay sa mga suba, humayan kag baybayon-dagat kag tanan nga mga organismo nga nagakabuhi diri.

Lakip sa mga peligroso ang kabukiran nga malapit sa Angat *watershed*, ang Mt. Irid kag Mt. Angelo nga yara sa lindero sang Bulacan kag Quezon kag ang bahin sang Sierra Madre sa lindero sang Nueva Ecija kag Quezon.

Daku man nga kahalitan ang nangkon sang Mt. Arayat sa Pampanga, sang Mt. Natib kag kabukiran sang Mariveles sa Bataan, sang Mt. Tapulao kag sang mataas nga kabu-



kiran sang Zambales kag Aurora.

Labi nga nahatagan kahilwayan ang mga kumpanya sa pagmina sa bilog nga pungsod makaligad palig-unon sang Korte Suprema ang ligalidad sang Mining Act of 1995 sadtong Disyembre 2004 kag liwat sining Pebrero. Sa Central Luzon, ginasuguran na sang Dizon Mine ang pagkutkut sang *open pit mine* sa mabukid nga lugar sa tunga sang Zambales kag Pampanga. Sa Gabaldon, Nueva Ecija, nakatalana

man ang pagmina para sa *white clay*. May ara na nga *exploration* sa Sta. Cruz kag Candalaria, Zambales para sa pagmina sang *chrome*, *nickel* kag iban pa nga mineral nga nagasakup sang halos 4,000 ektarya. Bag-o pa man ginpalig-on ang Mining Act of 1995, nagaabot na sa 24 ka kumpanya ang nahatagan sang Mineral Production Sharing Agreement (MPSA). Samtang, may yara na nga mga aplikasyon para sa Financial and Technical Assistance Agreements (FTAA) nga nagasakup sa halos tanan sang mga mabukid kag mabulod nga bahin sa Aurora kag Tarlac.


Sa Zambales, nagapadayon ang pag-ilig sang mga hilo halin sa mga gin-abandonar nga minahan sang Koto Mines kag Dizon Copper Silver Mines. Ang mga nakatambak nga hilo padayon nga nagahalit indi lamang sa kabuhian kundi pati sa ikaayong lawas sang pumuluyo didto. Isa ka halimbawa ang lawa sang San Marcelino kon sa diin indi na mahimo kan-on ang mga isda nga madakup bangud sa mataas nga konsentrasyon sang *mercury* nga ginatambak sang kaingod nga Dizon Mines.

Kadam-an sang mga mabukid kag mabulod nga lugar nga ini direkta nga sakup sang mga prenteng gerilya. Sa panugod pa lang, maathag na ang pagpamatuk sang rebolusyonaryong kahublagan sa Mining Act kag tanan nga mapanghugakum kag mapanghalit nga operasyon sang pagmina sa pungsod. Maathag man sa rebolusyonaryong kahublagan nga solo ang pagbaskog sang pagbatu sang pumuluyo ang makapugong ukon makasagang man lang sa makahalalit kag makamatay nga epekto sang komersyal nga pagmina.

Pareho sa iban pa nga bahin sang pungsod, ginapat-ud sang Bag-ong Hangaway sang Banwa kag sang rebolusyonaryong kahublagan sa rehiyon nga determinado nga batuan nila ang mga dumuluong kag lokal nga kumpanya sa pagmina nga may operasyon sa mga lugar nga sakup sang demokratikong gubyrno sang pumuluyo. Sa kutob mahimo, pagapunggan sang Josepino Corpuz Command ang operasyon sa pagmina sang mga dumuluong nga kapitalista sa Central Luzon kag silutan ang sin-o man nga nagalapak sa kinamatarung sang pumuluyo kag magtuga sang malaparan nga pagguba sa kapalibutan.



General Victor Corpus: Daku nga manugloko



Sa kaisog sang apog sang reti-radong heneral nga si Victor Corpus, may guya sa siya magpahambog nga igapursiger kuno niya ang "agresibong makipumuluyo nga programa sa reforestation" sa bug-os nga pungsod agud makahatag kuno sang trabaho sa mga nagaestar sa mga baryo sa kabukiran, lakip ang anay nga mga kaupod niya sa Bag-ong Hangaway sang Banwa (BHB).

Laum ni Corpus nga may mainto pa siya sa pagpostura bilang matuod nga maki-pumuluyo kag tagapangapin sang kapali-

butan. Sa Panay, wala na gid siya sang matiulang, ilabi na sa kubay sang mga minorityang Tumanduk. Isa lang ang tawag nila sa hambog nga heneral: Daku nga manugloko!

Si Corpus tenyente sa daan nga Philippine Constabulary sang mag-entra siya sa BHB sadtong 1971. Nadakup siya sadtong 1976 kag nagbalik sa reaksyunryong hangaway sang hilwayon siya sadtong 1986. Halin sadto tubtub sa pagretiro niya sining 2004 nagkapot siya sang nagkalain-lain nga katungdanan sa AFP, kadam-an sa patag sang paniktik kag saywar. Ginpili siya ni Arroyo sining Disyembre 2004 bilang Presidential Adviser para sa Anti-Illegal Logging Task Force kag sa National Reforestation Program. Kabahin sang mga pasiklab sang rehimen angot sa pag-atubang sini kuno sa malaparan nga pag-usmod sang duta kag pagbaha sa Aurora kag Quezon nga ginbunga sang lapnagon nga komersyal nga pagpanablon.

"Greening Panay." Basehang sang pagkanombrar ni Corpus sa amo nga mga pusisyon ang kuno maayo niya nga rekord sa *reforestation* sang nadestino pa siya sadtong dekada 1990 sa 3rd ID sang Philipippine Army nga nakabase sa Panay. Ginpamunuan sadto ni Corpus ang "Greening Panay," isa kuno ka proyekto para sa himuon liwat nga berde ang kalbo nga kagulangan sa sentral nga bahin sang isla.

Baliskad sa gusto pagguwaon sang rehimeng Arroyo, ang




"Greening Panay" isa ka programa nga mas may kahilabtan pa sa "counterinsurgency" sangsa *refo-restation*. Isa ini ka multi-milyong piso nga proyekto nga ginpondohan sang Asian Development kag ginakaptan sang isa ka *consortium* nga ginalakipan sang 3rd ID, University of the Philippines-Pag-hidaet (isa ka NGO), Department of Environment and Natural Resources kag sang sadto Office of Southern Cultural Communities. Ginsuguran ini sadtong temprano nga bahin sang dekada 1990 sa lugar sang mga Tumanduk sa prubinsya sang Capiz. Ginpamunuan ni Corpus ang "Greening Panay" sadtong siya koronel pa kag hepe sang Civilian-Military Operations sang 3rd ID.

Suno sa plano, pagatamnan ang 33,310 ektaryang Philippine Army *reservation* kag *training camp* sang 3rd ID, nga may puno nga kwartel sa Camp Gen. Macario Peralta Jr. sa Barangay Jaena Norte, Jamindan, Capiz. Nagasakup ini sang 24 ka baryo sa mga banwa sang Jamindan kag Tapaz sa Capiz man. Ang lugar amo ang duta sang katigulangan sang mga Tumanduk nga gin-agaw sang himuon nga *army reservation* ini sadtong 1965 sang rehimen ni Diosdado Macapagal, amo ni Gloria Arroyo.

Ginhimo nga "pilot area" ni Corpus ang Barangay Agloloway sa Jamindan, nga kaingod gid lang sang kampo sang 3rd ID. Nagtukod siya diri sang kooperatiba para sa pagtanum sang mga kahoy. Ginkuhaan man niya sang donasyon ang mga katapu sang kooperatiba para kuno makabakal sang karbaw sa bulig sang Philippine Army. Ang baryo nga ini ang nagserbi man nga *nursery* sang mga *seedling* para sa "Greening Panay". Isa sa ginapatanum ni Corpus ang mahogany,

nga kabahin sang ginatawag "fast-growing commercial timber."

Mangin milyonaryo, magtanum sang mahogany. Para maeng-ganyo magpasakup sa "Greening Panay" ang pumuluyo sa lugar, ginabando ni Corpus nga sigurado mangin milyonaryo ang sin-o man magtanum sini. Kinaandan nagabot sa 25 tuig bag-o anihon ukon tapson ang *mahogany*. Pero suno sa buladas ni Corpus, bisan 15 tuig gulang pa lang ang kahoy pwede na ini anihon. Isa pa, kon mataas na ang mga gintanum nga kahoy, siling niya, bisan indi pa ini maani pwede na ini gamiton nga kolateral



sang mangunguma para makautang sa bangko. Mahapos lang ini, suno kay Corpus, bangud ipakita lamang sang mangunguma sa bangko ang litrato sang iya gintanum nga mga puno sang *mahogany*.

Ang natalana nga pondo para sa pagtanum sang kahoy P20,000 tuhtub P30,000 kada ektarya. Pero ginapabugal ni Corpus nga sarang niya nga patamnan ang kada ektarya sa kantidad nga P5,000 lang. Matuod gid man ang ginasugid niya. Sa aktwal, wala ni isa ka sentimo nga ginbayad si Corpus sa mga Tumanduk nga ginapatanum niya sang *mahogany*.

Suno sa Memorandum of Agreement (MOA) sa tunga sang Philippine Army kag mga mangunguma, magatunga sila sa kita kon mabaligya na ang mga puno sang kahoy. Ulihi na sang mahibal-an sang napapati ni Corpus nga isa pa ka tuyo gali sang "Greening Panay" ang agawan sila sang duta. Amatamat na gali sila nagakadulaan sang mauma. Sa sulod sang 15-25 tuig nga paghulat para maani ang mga gintanum nga mahogany, wala

sila sang iban nga pangitan-an bangud ginapahog sila nga palayason sa *reservation* kon indi sila magtanum sang *mahogany*.

May nagtilaw mangutang sa bangko. Didto nila nabal-an nga ginloko lamang gali sila ni Corpus. Indi gali pwede gamiton nga kolateral ang mga gintanum nila nga mahogany sa simple nga kabangdanan nga wala titulo ang ila duta. Diri na man nila amat-amat namutikan nga indi sila ang nangin milyonaryo kundi si Col. Victor Corpus. Nahibal-an nila nga may negosyo na ini sa Iloilo City kag nakabakal sang malapad nga kadutaan sa isla sang Guimaras kon sa diin nakapatindog siya sang mansyon.

Amatamat man nila nahibal-an nga makahalalit gali sa *biodiversity* sang nabilin nga kagulangan ang malaparan nga pagtanum sang *mahogany*. Bunga sini, mangin *acidic* ang duta gani nagakamatayang iban nga puno sang kahoy nga kaingod sini. Indi man pwede umhon ang duta.

Mga Tumanduk nanindugan. Gingamit lang nga kober ni Corpus ang proyekto para sa "counterinsurgency." Paagi sini, may prente siya para maglibot sa mga komunidad kag magpatawag sang mga pulong-pulong sa baryo. Sa mga pulong-pulong nga ini, gintuyo niya nga ilihis ang pumuluyo sa rebolusyonaryong banas paagi sa mga paltik nga pangako nga mahaw-as sila sa kaimulon paagi lang sa pagtanum sang *mahogany*.

Wala madugayi kag nabuyagyag sa pumuluyo ang matuod nga kinaia sang "Greening Panay." Sadtong 1995, ginapanawagan sang organisasyon sang mga pumuluyong Tumanduk nga indi magtanum sang *mahogany*. Naghi-liusa kag malig-on sila nga nanindugan nga pamatukan ang "Greening Panay."

Sa daku nga kaakig sang mga



tagabaryo, ginpangabot kag ginpangsunog nila ang mga *seedling* sang *mahogany*. Naglunsar sila sang mga aksyong protesta, nakig-angot sa mga lokal nga gubyrno kag nagpabulig sa mga rehiyunal, pungsodnon kag pangkalibutanon nga organisasyon. Sa proseso, nabuyok nila ang Provincial Board sang Capiz nga magpagguwa sang resolusyon nga nagapanawagan sang paghalin gilayon sang militar sa kadutaan sang mga Tumanduk.

Paltik nga reforestation, napaslawan nga "counterinsurgency." Ang ginapabugal ni Gloria Arroyo nga madinalag-on kuno nga proyektong *reforestation* ni Corpus nakasentro lang sa tatlong baryo sa *army reservation*-ang Agloloway sa Jamindan kag Daan Sur kag Daan Norte sa Tapaz. May kalaparon lang ini nga mas o menos 1,000 ektarya. Ang pumuluyo sa nabilin nga 21 baryo nagtanum lang sang pila ka puno sa palibot sang ila balay.

Mismo ang *consortium* nga nagakapot sa "Greening Panay" ang nagsiling nga napaslaw ang proyekto sang tasaron nila ini sadtong 1997. Gin-ako man mismo sang militar nga napaslawan ang tuyo sang proyekto nga waskon ang rebolusyonaryong armadong kahublagan sa Panay. Sa tigaylo nagabas-kog pa ini kag nagalapad.

Sang makita sang Philippine Army nga indi na epektibo ang ila kontra-rebolusyonaryong padihot, kag wala gintukob sang pumuluyo ang "Greening Panay", amat-amat man nga naglas-ay ang pagsuporta sini sa proyekto ni Corpus. Nagsingki ang banggianay nanday Maj. Gen. Jose Lapus, ang hepe sadto sang 3rd ID kag ni Corpus indi lang sa kapaslawan sang "Greening Panay" bilang instrumento sang "counterinsurgency", kundi bangud sa pag-agaway nila sa pondo sang proyekto. Direktahan nga gindeklarar ni General Lapus nga wala gina-

kilala sang 3rd ID ang MOA sa tunga sini kag sang mga tagabaryo bangud si Corpus man lang, siling niya, ang may kahimuan sini. Nag-abot ang ila banggianay tuhtub sa Korte Suprema. Sadtong 1998, nagdesisyon ang mataas nga hukmanan nga indi balido ang nasam-bit nga MOA.


Bunga sini, nagsungod si Corpus kag nagpamahog magbiya sa Philippine Army. Wala niya ini ginpadayon sang ginhimo siya ni Pres. Fidel Ramos nga *brigadier general*. Ginhatagan man sang iban nga pusisyon si Corpus sa guwa sang 3rd ID.

Ang masubo sini, sang madula sanday Corpus kag Lapus sa Pnay, nadula man ang kwarta sang "Greening panay". Tuhtub subong, ginahulat gihapon sang mga katapu sang kooperatiba sa Barangay Agloloway ang karbaw nga ginpromisa sa ila sang manugloko nga heneral. AB

Rebolusyonaryong polisiya sang Panay bahin sa kapalibutan

Sang ginsaylo na si Col. Victor Corpus sa iban nga hilikuton, wala na ginpursiger sang Philippine Army ang paltik nga proyektong *reforestation* nga "Greening Panay". Sa pagkamatuod, ginapang-utod na nila ang iban nga puno sang *mahogany* nga ginpatanum ni Corpus. Padayon ang pagpanablon sang mga duna nga kahoy bangud negosyo sang mga tropa mismo sang Philippine Army kag CAGU ang pagpaobra sang mga baroto. Ginabayaran lang nila sang P2,000 ang masami apat-katawo nga grupo nga nagahimo sini kag igabaligya ang mga baroto sa Pontevedra, Capiz sa kantidad nga P30,000 tuhtub P40,000 kada isa.

Sa pihak nga bahin, mas mabungahon kag madinalag-on ang praktika sang mga rebolusyonaryong organisasyong masa sa pag-amlig sa kagulangan kag kapalibutan sa pangkabilugan. Suno kay Ka Sylvia, isa sa mga nagapanguna nga kadre sa Panay, sa madamu nga barangay sa Tapaz kag Jamindan, Capiz, ang mga organisadong masa mismo ang nagatalana diin nga bahin lang sang katalunan mahimo magpuhan sang puno kag magpangayam. Ginatalana man nila kon san-o pwede ibukas ang mga lugar nga ini.



Sa mga lugar nga relatibong konsolidado, ginabawal sang demokratikong gubyrno sang pumuluyo



ang komersyal nga pagbaligya sang tablon kag ang paggamit sang *chainsaw*, maluwas na lang kon ang kahoy pagagamiton sa konstruksyon sang mga kinahanglanon sang komunidad pareho sang mga eskwelahan kag *health center*. Ginabuksan lang man ang mga lugar nga ini sa pag-obra sang mga baroto, pero ini sa mga bulan lang sang Abril tubtub Hulyo, ang panahon sang tigkiriwi ukon tig-gutom. Pwede lang magbaligya ang pumuluyo sang kahoy kon ang mga ini halin sa daan na nga natumba nga kahoy ukon mga naanod nga tablon sa Pan-ay River.

Luwas sa pagbawal sa pagpanablon, naningin polisiya man sang demokratikong guberno sang pumuluyo ang pagbawal sang pagkaingin. "Ang masa na mismo ang naga-duso sang pagbawal agud mapreserbar ang mga puno sang kahoy, duta kag hayupan," siling ni Ka Sylvia.

Agud mapat-ud ang pagpatuman sang mga pagsulundan nga ini, ginapahulag sang demokratikong guberno sang pumuluyo ang mga rebolusyonaryong organisasyong masa kag ginabuligan sila sang mga yunit sang Bag-ong Hangaway sang Banwa (BHB). Sin-o man madakpan naglapas sa mga pagsulundan nga ini ginapatanum sa mga takda nga lugar sang mga duna nga puno sang kahoy pareho sang *acacia*, *apitong*, *molave*, *narra*, lawaan ukon yakal kag indi ang komersyal kag mapangsamad nga *mahogany*.

Luwas sa pag-amlig sa kagulangan, ginamligan man ang mga suba kag sapa. Hugot nga ginadumilian ang paggamit sang hilo pareho sang Endrin, Cymbus kag iban pa para sa pagpangisda diri.


Aktibo na nagalunsar sang mga kampanya sa pagpalapad sang produksyon sang humay nga wala nagasalig sa mga kemikal nga abono kag pestisidyo. Nagalunsar man sang mga kampanya sa pagpauswag sa kabilugan nga lebel sang produksyon. Sa subong, ginabuyok ang mga mangunguma nga indi pag-isalig ang ila pangabuhian sa paghimo sang baroto kag pagpanablon.

Ginadumilian man ang pagtanum sang *Bt corn*. Kadungan sini, nagahatag ang rebolusyonaryong hublagan sang mga paghanas kon paano atubangon ang mga kalamidad kag sang edukasyong masa kaangot sa pagpreserba sang kapalibutan.

AB

Mga pagtingub sang mga higante nga kumpanya

Mas daku nga tubo, mas malaut nga pagpanghimulos




Tatlo na lang ka higante nga kumpanya sang langis ang anay "seven sisters" sadtong dekada 1970. Duha na lang ka kumpanya ang nagahimo sang dalagkuan nga eroplanong komersyal. Napulo'g isa na lang ang anay 40 independenteng tagahimo sang kotse.

Padayon ang paggamay sang numero sang mga dominante nga kumpanya sa nagkalain-lain nga industriya sa kalibutan. Nagadasig ang pagsimpon kag pagkan-anay sang mga kumpanya kag ang konsentrasyon sang kapital sa nagapagamay nga numero sang mga monopolista sa bilog nga kalibutan.

Talalupangdon ang madamuan nga pagtingub sang mga kumpanya humalin 1995. Maabot sa 85% sang pangkalibutanon nga pamuhunan halin sadto ang nagsulod sa mga pagtingub nga ini. Nagtampok ang tuig 1999 kon sa diin natabo ang masobra 32,000 nga pagtilingub nga nagabalor sang \$3.4 trilyon. Triple ini sa numero sang mga pagtingub sadtong 1989 kag masobra 30 doble sang narekord sadtong 1981.

Tabuk-pungsod nga mga pagtingub. Ginalamon sang dalagku kag makagagahum nga kumpanya indi lamang ang iban pa nga kumpanya sa sulod sang baseng pungsod sini kundi pati na yadtong sa ibang pungsod. Sa kamatuoran, ang dugang nga konsentrasyon kag sentralisasyon sang kapital sa internasyunal nga lebel labing maathag nga makit-an sa solo nga lebel nga naabot sang pagtingub sang mga kumpanya sa

Ang dating "seven sisters"	Kasalukuyang katayuan	Market Value (1999)
1. Exxon	Binili ng Exxon ang Mobil sa halagang \$80 bilyon noong 1998. Ang Exxon-Mobil ang nagungunang kumpanya ng langis ngayon.	\$244 bilyon
2. Royal Dutch Shell	Ito ngayon ang pangatlong pinakamalaking kumpanya ng langis.	\$177.5 bilyon
3. Texaco	Nabili ng Chevron noong 2000 sa halagang \$43 bilyon. Chevron-Texaco na ang pangalan ng kumpanya.	Chevron: \$56.7 bilyon Texaco: \$29.7 bilyon
4. Gulf Oil	Nabili ng Standard Oil noong 1984.	
5. Mobil	Nabili ng Exxon noong 1998.	
6. British Petroleum (BP)	Nabili nito noong 1998 at 1999 ang Amoco at Arco, mga Amerikanong kumpanya. Nabuo ang BP-Amoco na ngayo'y pumapangalawang dambuhala sa langis.	\$184 bilyon
7. Standard Oil (Socal)	Tinawag na Chevron matapos ang pagsasanib sa Gulf Oil.	
Ang kumpanyang Total Fina-Elf Aquitaine na nabuo sa pagsasanib ng dalawang kumpanyang French ang pang-apat na pinakamalaking kumpanya ng langis ngayon.		



magkatuhay nga pungsod. Halin ulihi nga bahin sang dekada 1980, ang mga tabuk-pungsod nga pagtingub nga ini ang pangunahong alagyan sang kapital sang direktang pagpamuhunan. Buot hambalon, daku nga bahin sang ilig sang kapital sa kalibutan nagakadto lamang sa pagkambyo sang pagpanag-ya sa daan na nga mga negosyo kag empresa. Kadam-an sang ginasiling direktang pamuhunan sa nagligad nga tinuig wala nagakadto sa pagtukod sang mga bag-ong pabrika kag imprastrukturang industriyal.

Humalin dekada 1980, ang balor sang mga tabuk-pungsod nga pagtingub halos nagdoble padulong sa \$1.1 trilyon sa hingapusan sang dekada 1990. Samtang sadtong temprano nga bahin sang dekada 1980 wala nagaabot sa 20% sang kabilugan ang balor sang amo nga pagtingub, subong nagaabot na ini sa 38%.

Mga kumpanya sa Western Europe kag North America ang pinakaaktibo sa amo nga mga pagtingub. Lakip naman sa mga gina-

handum-handum nila ang mga empresa sa mga atrasadong pungsod ilabi na sang ipatuman ang mga polisiya sang liberalisasyon, pribatisasyon kag deregulasyon.

Ang madamuan nga pagtingub nga ini nagakahulugan man sang dugang pa nga kagamhanan sang dalagkuan nga korporasyong transnasyunal. Mas o menos sangkatlo (1/3) na subong sang pangkalibutanon nga negosyo intra-firm ukon nagakatabo sa tunga sang mga kumpanya nga lunsay ginatag-iyahan sang pareho nga korporasyong transnasyunal. Klasikong halimbawa sang kagamhanan nga dulot sang negosyong *intra-firm* ang pagtaas sang presyo sang mga produktong petrolyo nga san-o man gustuhon sang mga kumpanya sang langis.

Sa pagtingub, nadominar sang mga korporasyong transnasyunal ang mga pangsulod nga balaligyan sang madamu nga pungsod paagi sang dugang nga pagpalapad sang ila network sang mga lokal nga planta kag upisina. Sadtong 1998, nagkita sang \$11 trilyon ang

mga transnasyunal nga ini halin sa ila mga subsidyaryo sa nagakalain-lain nga pungsod. Makalilingin ini kon ikumparar sa \$6.7 trilyon lang nga kabilugan nga balor sang mga eksport sang tanan nga pungsod sadtong tuig nga ina!

Bunal sa proletaryado. Ang wala pa nga kapares nga paghagunos sang mga pagtingub sang mga monopolyong kumpanya patimaan sang kasingkion sang krisis sa pangkalibutanon nga mga sistemang kapitalista. Samtang nagalaut ang krisis, madamu nga kumpanya ang nagaluya kag nagakadula ang kumpetisyon, kag kon indi man dalayon nga matumba ginalamon sang mas daku.

Sa proseso nga ini, pinakamabaskog nga ginaigo ang mga mamumugon sang mga kumpanyang gintingub. Ang pagtingub pamaagi sang mga monopolyong kapitalista para makabuhin sang mamumugon samtang nagapalapad naman ang sakup sang operasyon sang kum-

sundan sa pahina 11, "Higante..."



Indi matapna ang Maoismo sa China

Madalum na nakaugat ang Maoismo sa diwa sang mga mamumugon kag mangu-nguma sa China. Kag sa sobra nga kakulba, pilit ini nga ginadula sang mga rebisyunistang nagapamuno sa Partido Komunista kag estadong burges.

Sining nagligad nga Disyembre 24, ginsentensyahan nga mabilanggo sang tatlo ka tuig ang apat ka Maoista sa syudad sang Zhengzhou, sa Henan, China. Ang krimen nila kuno amo ang "pagpanggamu sa kalinungan sang sosyedad kag pungsodnon nga interes."

Ano ang ila ginhimo? Sadtong Septyembre 9, 2004, ika-28 anibersaryo sang pagkamatay ni Mao Zedong, si Zhang Zhengyao nagpanagtag sang isa ka leplet nga nagaunod sang pahayag nga nagahatag pasidungog kay Mao Zedong kag nagabuyagyag kag nagaatake sa mga kagarukan sang sistemang kapitalista nga ginpanumbalik sang mga rebisyunista halin sang agawon nila ang gahum pangpolitika sadtong 1976. Gindakup si Zhengyao, pati na ang iya asawa nga si Ge Liying, kag mga abyan nga sanday Wang Zhanqing kag Zhang Ruquan.

Labi nga ginkaakig sang rebisyunistang rehimen ang deklarasyon sa pahayag nga "Mao Zedong,

Lider Namon sa Katubtuban" nga "perming magapanindugan ang mga mamumugon kag mangu-nguma para kay Mao Zedong" kag ang ginhimo sini nga pagbuyagyag sa "mga reaksyunaryo nga ginapamunuan sang estado kag Partido kag nagbahin-bahin sa manggad sang estado."

Nagbalik-lantaw sanday Zhang sa panahon sang sosyalistang rebolusyon sa pagpamuno ni Mao Zedong, kon sa diin ang "pumuluyong Tsino ang amo nagapamuno sa pungsod." Ginainsister nila nga sa pihak nga pirme-sa-bibig nga "sosyalismo nga may kinaia nga Tsino," ang estado subong sa China isa ka estado nga "pagpanag-iya sang burgesya." Gani sa idalum sang rebisyunistang rehimen, ang sahing mamumugon nagatrabaho indi na para sa ila kaugalingon, kundi agud "magtuga sang sobra nga balor para sa sahing kapitalista."

Ginpakamalaut nanday Zhang ang malayon nga lang-at sang pinakamangaranon kag pinakaimol nga pumuluyo. Sa isa ka bahin ang mga bilyonaryong burukrata kapita-

lista nga nagapakuno-kuno nga "sosyalista" pero ang matuod nga gusto kapitalismo nga nagadul-ong sa ila sang tuman kadaku nga benepisyo. Kag sa pihak nga bahin ang ginatogatos ka milyon nga mamumugon kag mangu-nguma nga subong nagaantos sang tuman kalala nga kaimulon, pagpamigos kag pagpanghimulos. "Maathag kon amo nga si Mao Zedong ang lider sang 95% sang pumuluyong Tsino."

Lubos kalig-on nga gindeklarar nanday Zhang nga magapadayon ang paghimakas sang pumuluyong Tsino para sa sosyalismo. "Pat-ud nga labi pa nga magasingki ang mga paghimakas sang masa."

Gindeklarar nila nga "Sa labing pagluto sang mga kontradiksyon kag pagsingki sang mga pangmasang paghimakas sa bilog nga pungsod, ang mga yara sa Partido, gubyrno kag hangaway nga nakaintiende sa kinaia sang rebisyunismo determinadong magabatu diri kag liwat magaisa sa proletaryado sa pagwagayway sang bandera ni Mao Zedong kag liwat maghimakas para sa sosyalismo sa China." AB

"Higante..." halin sa pahina 10

panya agud padakuon pa gid ang ila tubo. Sa pagtingub sang Daimler-Benz kag Chrysler, halimbawa, ginataya nga \$25 milyon ang makinot sang kumpanya sa pagsara sang pila nila ka planta.

Ginahimuslan man sang isa ka kumpanya ang mas barato nga kusog-pangabudlay sa baseng pungsod sang kumpanya nga nabakal ukon ginalamon sini. Gani kadungan sang pagkadula sang trabaho milyunmilyon nga mamumugon, nabutang naman sa mas malaut nga kundisyon sang kapitalistang pagpanghi-

mulos ang mga wala mapahalín.

Sa pihak nga bahin, nagapadaku ang numero sang mga mamumugon ang nagaangtanay sa mga pagtingub. Kadungan sang labing sentralisasyon sang kapital, nagadugang man sosyalisasyon sang pagtrabaho sa pangkalibutanon nga lebel.

Ang labi pa nga pagbwelo sang mga imperyalistang pagtingub sangkap sa pagsingki sang mga sandigan nga kontradiksyon sang sistemang kapitalista. Maayo nga kahimtangan para sa pagpanibag-ong kusog sang rebolusyonaryong paghimakas sang proletaryado sa bug-os nga kalibutan. AB




Paghilway sa Auschwitz, gindumdum

Indi na dapat maliwat ang Holocaust*. Ini ang mensahe nga naglanog sa ika-60 anibersaryo sang paghilway sa mga "kampo sang kamatayon" sa Auschwitz, Poland sadtong Enero 27.

Nagaabot sa 1.5 milyon nga Hudyo, komunistang Polish kag Russian, mga may depekto, mga gypsy kag bakla ang ginpamatay sang mga Nazi (mga pasistang pwersa sa Germany sadtong Ikaduha nga Gera Pangkalibutanon) sa Auschwitz halin 1940 tubtub 1944. Ang mga "kampo sang kamatayon" sa Auschwitz ang pinakadaku nga prisohan sang mga Nazi sadto kon sa diin ginahunong, ginaeksperimentuhan kag ginamasaker ang ginabilang nila mga kaaway. Ginadumalahan ini sang SS ukon Schutzstaffel, ang

paramilitar nga grupo nga nagserbi espesyal nga pulisya sang mga Nazi.

Sa Auschwitz ginahimo ang mga eksperimento para hibal-on kon paano pinakamadasig nga mapatay ang mga ginhakot nga bilanggo nga kadam-an mga Hudyo sa mga pungsod nga okupado sang mga Nazi sa bilog nga Europe. Paagi sa nasambit nga mga eksperimento, nag-abot sa 6,000 katawo ang nagapatay



kada adlaw sang mga Nazi. Pinakamadasig nga paagi sang pagpatay ang pagtipon sang linibu-libo sa sulod sang dalagku nga pugon kag pagbomba sang insektisidyo diri. Pagkatapos ginasunog ang ila mga bangkay.

Pag-abot gid sa Auschwitz, gilayon ginahakot ang mga bata, tigulang kag may balatian kag maluya para patyon. Samtang, ang mga bilanggo nga mabakod ang lawas pwersahang ginapatrabaho sa mga pabrika sang armas sang Germany sa Poland. Kon indi makatrabaho ang mga ini bangud sa balatian kag kaluyahon sang lawas ginapatay man sila.

Ang nabilin nga mga bilanggo sa Auschwitz ginhilway sang mga isganan nga sulad sang Russian Red Army sadtong Enero 27, 1945. Ang mga "kampo sang kamatayon" ginhimo nga museo sang gubernong Poland agud ipahanumdom nga indi na dapat maliwat ang henosidyo.

Nasilutan sang kamatayon bilang mga *war criminal* ang mga elemento sang SS nga naghimo sang henosidyo kag tortyur, indi lang sa Auschwitz kundi sa tanan nga pungsod sa Europe nga gin-okupar sang mga Nazi.

Ang pagdumdum sa Ausch-

Pagtukod sang estadong papet sang US sa Iraq

Ginhiwat sa Iraq sining Enero 20 ang eleksyon nga gindisenyo kag kontrolado sang US. May maitom ini nga katuyuan nga tugahon ang ilusyon sang demokrasya kag magtukod sang gubyrno nga mangin instrumento sang US sa Iraq kag Middle East.

Ginpili sa eleksyon ang 275 representante sa transisyunal nga National Assembly nga magabalay sang bag-ong konstitusyon sang Iraq. Bangud sa padayon nga pagpangibabaw sang gahum sang US paagi sa presensya sang mas o menos 150,000 armadong tropa, ano man nga tikang sang sining National Assembly pat-ud nga nagapabor sa interes sang US sa ekonomya, pulitika kag militar sa Iraq kag bilog nga Middle East. Ini ang ginalauman nga magapabakod sa kontrol sang US sa langis sa Iraq kag magapahanugot sa permanente nga pagbase didto sang militar sang US.

Nakatalana nga ipagguwa ang borador sang konstitusyon sa Agosto nga pagaaprubahan kuno sang mga Iraqi sa isa ka *referendum* sa Oktubre. Kon maaprubahan, may eleksyon para sa panibag-o nga gubyrno sa Disyembre.

Paagi sa eleksyon, gusto sang US nga magtuga sang ilusyon sang demokrasya, estabilidad kag kalinungan sa Iraq kag sang pagtindog sa kaugalingon sang pumuluyong Iraqi. Ginapagguwa sang US nga ang transisyunal nga gubyrno sa Iraq may bendisyon sang pumuluyo bisan pa, sa kamatuoran, ginhiwat ang eleksyon sa idalum sang kolonyal nga gahum sang US kon sa diin ang nagapabutyag sang kahilwayan sa kontrol sang US ginalagas kag ginapatay.

Sa tunga sang pagbando sa demokrasya kag pagtindog sa kaugalingon sang pumuluyong Iraqi, walay huya nga ginsiling ni Bush nga magapabilin ang mga tropang Amerikano kag magapadayon ang pagpasilabot sang gubyrnong US sa Iraq. Kag para diri, ginpahayag ni Bush ang plano sang iya administrasyon nga magadugang sang \$80 bilyon para sa pondo sa gera sa Iraq (kag sa Afghanistan).

Indi isa ka bogus nga eleksyon ang kinahanglan sang pumuluyong Iraqi kundi ang mapalayas ang mga tropang Amerikano kag mapapos ang arogante kag binuyong nga pagpanakup kag pagkontrol sang US sa Iraq.

AB

witz ginatambungan sang mga nakalibre nga biktima kag pamilya nila, pila sa mga sulda sang Red Army nga nagpahilway sa mga bilanggo, mga pinuno sang nagkalain-lain nga guberno sa bilog nga kalibutan kag mga upisyal mismo sang Germany. May mga komemorasyon man sa nagkalain-lain nga bahin sang Europe pareho sang United Kingdom, Russia kag Greece.

Ini man ang kauna-unahan nga kahigayunan nga naghiwat sang komemorasyon ang United Nations pagkatapos sang gera. Diri, ginpaangid sa Auschwitz ang mga kahayupan kag paglapak sang dignidad kag tawhanon nga kinamatarung sa mga pungsod nga ginasakup subong sang US pareho sang Iraq kag Afghanistan. Ginpakamalaut man ang nagakatabo nga madamuan nga pagpamatay sa pila ka pungsod sa Africa kag ilabi na ang pagpatay sa mga pwersa sang Israel sa mga Palestino. Mabaskog man nga ginkundenar ang pagdayon nga pagmaltrato sa mga bihag sang US kag UK sa Iraq kag sa Camp Xray, ang internasyunal nga bilanguan nga gintukod sang US sa base militar sini sa Guantanamo, Cuba.

** Pagpamatay sang mga pasistang Nazi sa masobra anum ka milyong Hudyo sa Europe sadtong Ikaduhang Gera Pangkalibutanon.*

Ginapamilit nga untat-lupok, ginpamatukan sang PKP

DIREKTA nga ginapamatukan sang Partido Komunista (PKP) ang ginapamilit sang Malakanyang nga magdeklarar anay sang untat-lupok ang National Democratic Front of the Philippines (NDFP) antes buksan liwat ang pormal nga sugilanon pangkalinungan. Sa isa ka pahayag, gintumod ni Gregorio "Ka Roger" Rosal, tagapamaba sang PKP, nga ang amo nga paabot sang rehimeng Arroyo lapas sa The Hague Joint Declaration nga nagtalana sang apat ka punto nga sustantibong adyenda para sa sugilanon pangkalinungan. Suno sa The Hague Joint Declaration, pagahambalan lamang ang untat-lupok kag disposisyon sang mga armadong pwersa pagkatapos maresolbar ang mga ugat sang gera sibil sa Pilipinas. Matalakay lang ang mga ini sa adyenda bahin sa mga reporma sosyo-ekonomiko kag reporma sa pulitika kag konstitusyon. Luwas diri, siling ni Rosal, wala ginatuman sang rehimen ang obligasyon sini santu sa mga daan nga nakasugtan, nga maghimo sing mga positibo nga mga tikang agud makuha ang PKP, BHB kag ang puno nga konsultant sang NDFP sa listahan sang US sang mga "terorista." Napaslawan ang rehimeng Arroyo nga pangapinan ang pungsodnon nga soberanya sa atubang sang amo nga pagpasilabot sang US sa mga pangsulod nga halambalanon sang Pilipinas-bagay nga paglapas man sa mga basehang prinsipyo nga nakasaad sa The Hague Joint Declaration.

Lider sang Bayan Muna, ginpatay sa Lucena City

ISA na naman ka lider sang Bayan Muna ang sinalbeyds sang mga tropa militar kag paramilitar. Ginluthang kag pila ka beses nga ginbuno si Ronnie Almoete, 38 anyos, sa sulod mismo sang iya balay sining Pebrero 6. Nagpreparar sang panyapon para sa iya pamilya si Almoete sang sudlon sang mga armado ang iya balay sa Purok Matahimik, Barangay Cotta, Lucena City. Si Almoete *coordinator* sang Bayan Muna sa Lucena City.

Mga Amerikano nga espiya sa pungsod, ginapalayas

GINPALAYAS sang Partido Komunista sang Pilipinas (PKP) ang mga sekreto nga operatibang paniktik sang US nga yari subong sa pungsod. Ginpakamalaut man sang Partido ang pagpahanugot diri sang rehimeng Arroyo. Suno kay Gregorio "Ka Roger" Rosal, tagapamaba sang PKP, dapat gilayon nga tumuron sang rehimen ang nasambit nga mga tropa kag imandu ang pagpahalina sa ila.

Gin-ako mismo ni Francis Ricciardone, ambasadur sang US sa Pilipinas, nga may indi magnubo sa 70 pwersa sang US Army sa

Mindanao subong agud mag-espiya batuk kuno sa mga terorista kag maghanas man sang mga tropang Pilipino sa hilikuton paniktik.

Sa subong ang nagapakuno-kuno ang mga operatiba bilang *military adviser* kag nakasulod sa pungsod gamit ang ginalunsar nga mga gintingub nga paghanas militar. Gin-anunsyo sang rehimeng Arroyo sining Enero ang nakatalana nga paglunsar sang 28 gintingub nga paghanas militar sa Pilipinas nga makapartisiparan sang AFP kag mga tropang Amerikano subong nga 2005-bagay nga maghatag-

dalan sa pagdamu sang mga espiya sang US sa pungsod.

Sa kaangot nga balita, nabuyagyag ang plano sang US nga magtukod sang mga sekreto nga tim sang mga operatiba nga mangalap sang lab-as nga datos paniktik agud magamit sang Special Forces sa ila mga operasyon. Ang ginatawag nga Strategic Support Teams nga yara sa idalum sang Defense Intelligence Agency may plano kuno nga buhian sa Pilipinas, Indonesia, Somalia, Yemen kag Georgia-mga pungsod nga nagatago kuno sang mga terorista.

Designasyon kay Palparan sa Eastern Visayas, ginapamatukan

MABASKOG nga ginapamatukan sang mga organisasyong masa pareho sang Samahan Han Gudti nga mga Parag-uma ha Sinirangan Bisayas (SAGUPA-SB) ang pagnombrar kay Brig. Gen. Jovito Palparan Jr. bilang hepe sang 8th Infantry Division sang Philippine Army sining Pebrero. Pat-ud nga labing magasingki ang militarisasyon kag mga pagpang-abuso sa mga tawhaon nga kinamatarung sa Eastern Visayas, siling sang SAGUPA-SB.

Si Palparan kilala nga "Berdugo sang Mindoro" bangud sa paglapnag sang mga kalakasan militar batuk sa pumuluyo sa isla sa panahon nga siya ang hepe sang 204th Infantry Brigade. Siya ang mga padihut sa mga kaso sang pagkuot kag pagsalbyeds pareho sa natabo sadtong Abril 2003 kanday Ka Eden Marcellana kag Ka Eddie Gumanoy, mga lider masa sang Southern Tagalog. Sang ginsaylo siya sa Rizal, nag-antos man ang pumuluyo didto sang mabaskog nga pagpang-abuso militar. Sa pihak sini, ginombrar gihapon siya nga puno sang "peace-keeping contingent" sa Iraq kag sining ulihin naglingkod bilang *chief of staff* sang Philippine Army antes siya gindestino sa Eastern Visayas.

Mga manunudlo, naglunsar sang pungsodnon nga aksyong protesta

NAGHIWAT sang 14 pungsodnon nga aksyong protesta sining Enero 28 ang mga manunudlo sa pagpamuno sang Alliance of Concerned Teachers (ACT) agud ipakig-away ang P3,000 *across-the-board* nga dugang sa sweldo kag ang pagpataas sang badyet para sa edukasyon.

Sa Maynila, naglunsar sang *torch parade* padulong sa Mendiola sadtong gab-i ang 2,500 manunudlo sa pagpamuno sang Manila Public School Teachers' Association. Naghalin sila sa 74 eskwelahan sa Taguig-Pateros, Muntinlupa, Pasay, Paranaque, Makati, Mandaluyong, Navotas, Valenzuela kag sa University of the Philippines. Upod nila nga nagmartsa ang mga myembro sang Anakbayan kag League of Filipino Students kag pati mga ginikanan.

Siling nila, ang rehimeng Arroyo ang may sala sa pinakamalubha nga krisis subong sa sektor sang edukasyon. Samtang ginakuripot ang pondo para sa edukasyon, kadam-an naman sang badyet nakatigana sa bayad-utang. Samtang, mala-higante ang badyet sang reaksyunaryong militar kag pulis, nga ginapatuyangan sa mga luho, bisyo kag korapsyon. Antes sini, ululu-

pod nga nagguwa sa ila mga bulut-huan kag upisina banda udto-adlaw ang pila ka gatos nga manunudlo, estudyante kag empleyado sang gubyerno sa pagpanguna sang Quezon City Public School Teachers' Alliance, ACT kag COURAGE. Naghiwat sila sang koordinadong piket sa Quezon Memorial Circle. Pagkagab-i, naglunsar sang *vigil* ang 300 manunudlo kag estudyante sa isa ka eskwelahan sa Batasan Hills.

Sa Vigan, Ilocos Sur, nagmartsa ang 150 manunudlo, empleyado kag estudyante sang University of Northern Philippines. May mga paghulag man sa La Union, Baguio kag Mountain Province.

Naghiwat sang *motorcade-rally* sa Tarlac City ang mga manunudlo halim sa siyam ka eskwelahan. May aksyong protesta man sa mga syudad sang Cabanatuan kag Angeles kag pila ka banwa sa Bulacan.

Sa Bacolod City, nagmartsa ang 500 manunudlo sa atubang sang kapitolyo, upod ang pamatan-on, imol sa syudad kag mga empleyado sang gubyerno. Naglunsar man sang rali kag pagsindi sang mga kandila sa Iloilo City.

Sa Davao City, naghulag ang mga titser sa 12 eskwelahan.

Organisasyon sang mga mamumugon sa agrikultura, gintukod

GINHIWAT sining Enero 20 ang una nga pungsodnon nga kongreso sang Unyon ng mga Manggagawa sa Agrikultura (UMA) sa Quezon City. Ang UMA magaserbi nga pungsodnon nga sentrong unyon nga may katuyuan nga hugpungon, palaparon kag pasingkion ang paghimakas sang mga mamumugon agrikultural para sa matuod nga reporma sa duta kag pungsodnon nga industriyalisasyon kag isulong ang pungsodnon nga ka-

hilwayan kag demokrasya.

Ginatapuan ini sang mga organisasyon sang mga mamumugon sa mga asyenda kag plantasyon pareho sang Unyon ng mga Manggagawa sa Agrikultura-Gitnang Luzon (UMA-GL), National Federation of Sugar Workers (NFSW) kag iban pa nga kadam-an yara sa Leyte, Bukidnon, Cebu kag Panay.

Gintumod ni Prof. Jose Maria Sison, tagapangulo sang International Peoples' Struggle (ILPS),

nga permi ikampanya sang UMA ang reporma sa duta kag pungsodnon nga industriyalisasyon sa tanan nga legal nga paagi. Sa amo man, ginapahanumdom niya ang UMA nga isulong "ang paghimakas para sa pungsodnon nga kahilwayan kag demokratikong gahum agud lubuson ang reporma sa duta, pungsonon nga industriyalisasyon kag iban pa nga pagbag-o nga pinakahandum naton tanan."

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuog XXXVI No. 3
Pebrero 7, 2005
www.philippinerevolution.org

Editorial

Paslawon ang mapintas nga hanot sang rehimeng US-Arroyo

Determinado nga ginabatuan sang mga oganisasyong ma-sa, mga pwersa pangpulitika kag pati sang sektor sang simbahan ang plano sang rehimeng Arroyo nga pataason halin 10% pakadto 12% ang ginasukot nga Value Added Tax (VAT) kag igapatong man ini sa mga produktong petrolyo, kuryente kag serbisyo medikal kag legal. Determinado man nga ginapamatukan nila ang liwat nga pagbukas sang dunang manggad sang pungsod sa pagpamuyong sang mga dumuluong nga korporasyon sa pagmina paagi sa pinal nga pag-aprubar sa Mining Act of 1995. Tuman ang kaakig sang pumuluyo sa duha nga labing ulihi nga polisiya nga lubos maki-dumuluong kag kontra-pumuluyo nga ginaduso sang gubyernong Arroyo sa desperasyon sini nga palutawon ang garuk nga nagaharing sistemang malakolonyal kag malapyudal.

Nagapabungul-bungol ang rehimeng US-Arroyo sa malapad nga reklamo batuk sa pagpataas sang VAT. Wala ini sing balatyagon kon sa pagtaas sang VAT magapatimbuok sa langit ang presyo sang mga bala-ligyaon kag lagabong sa duta ang pangabuhian sang pumuluyo. Wala



si Arroyo sang pakitang-tawo nga pagkabalaka sa pumuluyo. Samtang determinado sini nga ginaduso ang pagpataas sang VAT, determinado man sini ginabalabagan ang mga tikang para sa pagpataas sang sweldo sang mga mamumugon.

Mas malaut pa sa pagpataas sang VAT, todo-larga subong ang rehimeng US-Arroyo sa pagbungkag sang mga prontera sang pungsodnon nga patrimonya sang Pilipinas kag paghatag sang lubos nga kahilwayan sa mga dumuluong nga monopolyong kapitalista nga hugakumon ang duna nga mineral nga manggad sang pungsod.

Ginahayag ni Arroyo kag sang iya mga upisyal nga sila wala liwan kundi mga administrador sang neokolonyal nga estado nga ang lealtad yara sa mga dumuluong nga negosyo. Wala nila ginatago ang ila labaw nga kalipay sa plano sang mga dumuluong nga kapitalista nga agawon kag himuslan ang nabilin nga manggad sang Pilipinas. Wala balatyagon ang rehimeng Arroyo bisan pa ang dala sang mga dumuluong nga monopolyong kapitalista sa pagmina ang wala kapares nga pagguba sang mga bukid, suba kag dutang agrikultural, pagpanghalit

**Mga tampok sa
isyu nga ini...**

**Dalagkuan nga
pagmina**

PAHINA 4

**General Corpus:
Daku nga manugloko**

PAHINA 6

**Pagtingub sg mga
higante nga
kumpanya**

PAHINA 9

Mga instruksyon sa pag-imprenta

1. Ang sinundan nga pahina, nga eksakto nga kopya sang pahina 1 maluwas sa mas malus-aw ang *masthead* ukon *logo* amo ang para sa mga nagagamit sang *mimeo machine* ukon naga-imprenta paagi sa *v-type*. Gindisenyo ini para indi madali masamad sang istensil.

2. Pag-imprenta sa istensil:

- a) Sa *print dialog*, i-check ang **Print as image**
- b) Kuhaon ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Siguruhon naka-set sa **100%** ang **Scaling**
- d) Padayunon ang *pag-print*

3. Ginabuyok ang mga kaupod nga ipaabot sa patnugutan sang *AB* ang anuman nga problema kaangot sa pag-imprenta paagi sang *v-type*. Magpadala sang *e-mail* sa *angbayan@yahoo.com*